

# Kingusinaartumik akiliisoqartillugu eqqartuussivik avaqqullugu akiliisitsiniarnermi aningaasartuutit pillugit Kalaallit Nunaannut nalunaarut

Kingusinaartumik akiliisoqartillugu erniat il.il. pillugit inatsimmi § 9 a, imm. 3 naapertorlugu, tak. inatsimmut nalunaarut nr. 743 4. september 2002-meersoq, tak. peqqussut nr. 991, 14. Oktober 2011-meersoq matumuuna makkua Kalaallit Nunaanni atuuttussanngorlugit aalajangersarneqarput.

**§ 1. Nalunaarummi matumani malittarisassat atuupput pisuussutaateqarnermut inatsisinut tunngassuteqartuni piumasaqaatinik eqqartuussivik avaqqullugu akiliisitsiniarnermi.**

**§ 2. Allakkatigut akileeqqussutinik pisassarisanut tunngasunik nassiussisoqartillugu aamma pisassalik sinnerlugu allamik akiliisitsiniartitsisoqartillugu pisassalik akileeqqusinnaavoq ernaliisarnermik inatsimmi § 9 b-mi malittarisassat malillugit.**

*Imm. 2. Akiliisitsiniarnissamut iliuuseqaaqqinnertut, tak. ernaliisarnermik inatsimmi § 9 a, pisassalik piumasaqarsinnaavoq aningaasartuutini naleqquttut tulluartullu akiligassallip akilissagai malittarisassat §§ 3 aamma 4-mittut naapertorlugit, akiliinissamut kinguaattoorneq akiitsullip atugarisaanik pissuteqanngippat. Pisassalik malittarisassat § 3 aamma § 4-miittut malillugit akileeqqusinnaavoq, piumasaqaatit aalajangersakkani tamani taakkunaniittut naammassineqarsimappata.*

**§ 3. Pisassallip alla nammineq sinnerluni pisassaminik akiliisitsiniartissimappagu, pisassallip akissarsiassat tulluartut taamaaliornermut attuumassuteqartut akiitsulimmuk akileeqqusinnaavai. Taamaallaalli taamaattoqarsinnaavoq tamanna sioqqullugu allakkatigut akileeqqussummik akiitsulimmuk nassiussisoqarsimappat, oqaatigineqarsimassalluni allakkatigut akileeqqussutip nassiunneqarneraniit ikinnerpaamik ullunik qulinik piffissarititaq sioqqullugu akiliinngitsoorneq akiliisitsiniarnermi aningaasartuutinik suli allanik akiligassiernirk kinguneqarsinnaasoq, aammalu akiliisitsiniartartup pineqartup pisassarisanik akiliisitsiniarnissaq pisariaqarsimasoq.**

*Imm. 2. Akileeqqusat imm. 1-imi, oqaaseqatigiinni siullerni eqqaaneqartut nalunaarummi ilangussaq 1-imi aalajangerneqarsimasuniit amerlanerusinnaanngillat.*

**§ 4. Pisassalik pisassaminik nammineerluni akiliisitsiniarsimaguni, akilersuinissaq pillugu akiitsulimmik isumaqatigiissuteqarnerminut isumaqatigiissutilu suliarineranut tamatumalu allaffissornikkut aqunneqarneranut aningaasartuutinik tulluartunik akileeqqusinnaavoq (eqqartuussutitaqanngitsumik isumaqatigiissut). Taamaallaalli taamaattoqassaaq tamanna sioqqullugu akiligassaqaartumut allakkatigut akileeqqussummik nassiussisoqarsimappat nalunaarutigineqarsimalluni, allakkatigut akileeqqussutip**

nassiunneqarneraniit ikinnerpaamik ullunik qulinik piffissarititaq sioqqullugu akiliinngitsoorneq akiliisitsiniarnermi aningaasartuutinik suli allanik akiligassiinermik kinguneqarsinnaasoq, aammalu akiliisitsiniartartup pineqartup pisassarisanik akiliisitsiniarnissaq pisariaqarsimasoq.

*Imm. 2. Akileqqusat imm. 1-imi, oqaaseqatigiinni siullerni eqqaaneqartut nalunaarummi ilanngussaq 2-mi aalajangerneqarsimasuniit amerlanerusinnaanngillat.*

**§ 5.** Isumaqatigiissut imaluunniit niuernermi ileqquusartoq imaluunniit ileqquusartoq alla aqqutigalugu malittarisassat §§ 3 aamma 4-miittut sanioqqunneqarsinnaanngillat pisassalimmut ajoqtaasussanngorlugit, tamanna piumasaqaatinik eqqartuussivik avaqqullugu akiliisitsiniarnermut aningaasartuutinik naleqquuttunik tulluartunillu pisassallip akileeqqusisimnaannginneranik kinguneqassappat. Pisassarisaq isumaqatigiissut, ernaliisanermik inatsimmi § 7, imm. 1-mi taaneqartutut ittoq, naapertorlugu pisassarineqarpata, malittarisassat §§ 3 aamma 4-miittut aamma saneqquunneqarsinnaanngillat, isumaqatigiissummik imaluunniit niuernermi ileqquusartumik imaluunniit ileqquusartumik allamik atuinikkut.

**§ 6.** Nalunaarut attutilersinneqarpoq ulloq 1. november 2011 aamma atutissaaq akiliisitsiniarnermi aningaasartuutinut, tamatumani akileeqqusissut pineqartoq nalunaarutip attutilersinneqarnerata kingorna pilersimassaaq.

*Justitministereqarfik, ulloq 14.oktober 2011*

MORTEN BØDSKOV

/ Joachim Kromann

Namminersorlutik Oqartussat  
Imaneq 4  
3900 Nuuk  
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviit  
Naalakkersuisut

